

О надеждо христиан, не вещай ми. Ни, ни.
Пробуди немедлящи ко мне в сей же године

Надежда

Иду ныне.

Вера

Ты, любве, прииди скоро к верному ми виду

Любовь

Иду.

Вера

Благо любве, надежда, вы придосте семо,
Все совокупившися к Димитрию идемо,
Чрез того церковь будет прославленна,
Аз и вы да не буду от того лишенна.

Надежда

Не лишуся аз тебе Димитриевы веры
В бозе бо з Димитрием живеши без меры.

Любовь

В любящом бога буду Димитриа сердца,
Не устрашат никогда люты мя мудрецы,
Не устрашат никогда мучителей бури.
Несте мнят сына света нечестивых мури.

Явление 6-е

Димитрий

Благодарю моего бога всемогуца,
Со любящими его неотступна суца,
Тот мне поможе Солунь к себе обратити,
Дабы его познали бога иста быти.
Утверди мя в том боже и твоя все люди,
Во имя ти собранным помощником буди,
Вы семо троиственными суци со мною лица
Утвердите всех сердца быть во святой троицы,
Веро, надеждо, любы, будьте неотступны,
Да кознь ми вражия не будет приступны.

Вера

Димитрие, богови истому избранный,
Ум наш к твоему сердцу всегда привязанный,
Аз, вера, всегда тебе буду утверждати.

л. 16 об

Надежда

Аз, надежда, всегда буду утешати.

Любовь

Аз, любовь, обещаю тебе по премногу,
Яко имам тя в небе представити богу,
Его же невидима всем сердцем любиши,
Того, тебе любяща, в небеси узриши.

л. 17